

後村先生大全集

一四

928
7
14





後村先生大全集卷之五十六

內制

不允荅詔

賜程元鳳再上奏乞退居田里不允詔

勅元鳳再求閑退殊唏眷留猷勞思佚者凡人之情

首公竭節者大臣之誼况官稼之潦甚廣惟懇崇之

地稍輕九扈所積無贏萬竈非糴不飽方且倚仁牧

為軍民之命詎容奪赤子於父母之懷卿其簡省文

書親近湯液吏民頌禱俾壽而藏神物獲持何恙不

已

賜程元鳳三上奏乞昇祠祿不允詔

勅元鳳勉留者再難狗彘懷力言者三未眷意乎昔者周分西陲畢尹陳郊雖劬舊重臣猶勤勞外服而况政方就緒詎容他人之變更糴甫開端宜戒黷吏之科抑必鎮靜常如始至必勸誘使之樂輸卿體國甚忠豈有遐心而欲去衛生素謹預知微恙之必瘳尚聽斯言姑安汝止

賜厲文翁辭免除資政殿學士汾海制置使

兼知慶元府恩命不允詔

勅文翁資殿隆名制垣重寄雖予新渥亦爾舊種昔

命出而復寢也以師言令令行而不反也以獨斷矧如海道尤急秋防宜叱馭而遂行胡倚轅而未發朕惟難平者機事易感者人心滅戶租為保障則晉陽之守堅散賞賜予軍吏士大夫則馬服之戰勝卿久動心而忍性必酌右以御今益自奮於猷為勿徒煩於謙遜

賜江萬里辭免除端明殿學士同簽書樞密

院事恩命不允詔

勅萬里本朝至慶歷間號稱極盛之時然二虜大為邊患天下之力殫散於陝西河北國勢疑稍弱矣我

後村先生全集
則石堂
適大司成弄印本屬之卿而誰屬乎卿顧以職繁力
分引辭夫課試講說條案之事知且以道德典刑使
諸生觀之化耳朕言不再其即欽承

賜參知政事兼太子賓客皮龍榮辭免以皇
太子宮滿歲推恩特轉一官恩本不允詔

勅龍榮儲東滿歲晉秩舊典禮經然也况居夔高之
任而冠園綺之列者乎卿以參與大臣從吾兒游輔
導之德深調護之功高序遷一階予心猶以為薄抗
章吳避寧不損事體而廢邦彝哉卿言有大而能謙
朕令惟行而不反

賜同知樞密院事兼權參知政事兼太子賓
客沈炎辭免以皇太子宮滿歲推恩特轉一
官恩命不允詔

勅沈炎朕為宗社萬世計豫定國本于茲一年儲學
日益儲德日進皆卿等羽翼調護之力也年勞迂轉
凡有職于春宮者莫不然矧居園綺之列安得而獨
辭乎卿於從游之際議政之頃思其遠者大者以輔
導吾兒辭官小庶毋勞固請

賜簽書樞密院兼太子賓客何夢然辭免以
皇太子宮滿歲推恩特遷一官恩命不允詔

後村先生集卷五十六
則破堂
勅夢然朕豫建國本妙簡儲僚自宮端而下皆當世
之耆儒宿李惟賓師之任則以一相及二三執政為
之尤重其選也然以西府之望從東宮之游談經議
政之際所以輔導吾兒厥功茂焉年勞增秩有列於
鶴禁者皆然卿雖罕辭朕不反汗

賜同簽書樞密院事兼太子賓客江萬里母
免以皇太子滿歲推恩特轉一官恩命不允
勅萬里漢初建儲既以叔孫通為太傅張良為少傅
又使園綺四人者為之羽翼曰頌公等卒調護太子
此朕命二三大臣各容于春宮之意也卿絲人望執

樞事以輔臣言則以路西府之班以儲案言則宜受
東宮之賞茲事有体卿言太謙

賜趙崇燾辭免除吏部侍郎兼職依舊恩命
不允詔

勅崇燾昔之善典選者曰清介曰平允清則不徇乎
私介則不撓於勢平則如秤之於輕重允則準然當
於人心魏晉之毛玠山濤唐之裴馬不過平是道尔
朕於近臣中察卿熟矣長都曹武地官士大夫稱其
剛勁有守府史胥徒憚其嚴明難犯夫如是則長榜
注官之人操縱予奪一聽於小宰而不受抑於主事

令史矣此卿所優為也毋庸多遜

賜資政殿學士通奉大夫提舉萬壽觀史宇
之上表再辭免除資政殿大學士知建寧府
恩命不允詔

勅宇之爾之顯考有勞於國有德於朕猶當十世宥
也朕見二季若爾考焉伯氏不究於用而天朕甚悼
之爾朕伯氏尤温恭長厚守括帥越皆有遺愛建之
為郡俗擴於越而事繁於括爾其以昔之治括與越
者治建則為良二千石矣由浙入閩壤地相接豈必
聚糧奉母行春人生至樂又何不從政之有所拜置不允不得再有政請

賜守尚書戶部侍郎高衡孫乞祠不允詔

勅衡孫自漢以來京兆尹率以擊斫為威風發摘為
聰明爾久出藩入從於是二者蓋優為之豈優為而
不屑為耶抑儒者氣象固然耶夫擊斫發摘於郡國
之間末也論思獻納於朝廷之上本也解天府而治
地官朕之所以待爾者加厚矣

賜觀文殿學士光祿大夫沿江制置大使馬
光祖辭免召赴行在恩命不允詔

勅光祖古之人其於分閫也必跪推轂以遣之其於
還率也必歌出車以勞之迺眷龐臣久膺重寄疊疊

于蕃乎四國惴惴不歸者三年邊城增百雉之雄天
整無一塵之警遂寬憂顧備整忠勤屬渴想於儀刑
俾趣修於朝謁延佇介圭之至止庶幾前席而問焉
倏騰異章具述謙志使臣豈不序情而閔以礼勞多
事之時未可奉身而求退予環後矣俟駕可乎

賜同知樞密院事兼權參知政事兼太子賓
客沈炎乞昇祠祿不允詔

勅沈炎朕方以水灾雷變恐懼修省思與二三大臣
講求所以消弭咎證感召和氣者卿於此時引疾求
去翩然出闕都人士莫不駭異以退為高而置君民

於度外將安取此朕已遣黃門趣卿返旆其即奉詔
共圖國事俟民氣稍甦天休滋至徐謀出處未晚

賜簽書樞密事兼太子賓客何夢然辭免同
提舉編修勅令恩命不允詔

勅夢然卿材兼文武位重弼諧天下之務惟幾既
煩共二王者之法易避不過約三矧群僚分載筆之
勞若碩輔特提綱而已力辭奚謂舊典則然於紫樞
黃閣經綸之餘放金糾玉條公草之故修政事攘夷
狄中外無虞決律令定章程精粗並舉亟承休命毋
事偽文

賜徽猷閣直學士通奉大夫新知建寧府陳
顛伯舜免召赴行在恩命不允詔

勅顛伯朕初改紀卿首賜環其眷注在諸臣之右顛
屢以疾來諗為之進西清之直需南邦之次以俟藥
喜又歲餘矣賢路既開孔鸞畢集而目中久不見卿
迺於陽復之日馳驛再召側席久之吳函復至夫難
進易退固朕所敬昔病今愈獨不可趣造於朝乎環
顧在列年事蓋有先於卿者其為朕惻然一來天棊
忠忱何恙不已况近臣從容諷議足矣豈必以筋力
為禮哉

賜沈炎舜免除資政殿學士提舉臨安府洞
霄宮恩命不允詔

勅沈炎朕以卿兩載奮庸同心輔政故於其勇退也
則賜溫詔以勉其留及其留之而不可也則以秘殿
大邦葉其去而卿畏避權寵涕唾榮利必欲丐閑朕
既俞卿辭郡之請顧拜疏不已舜洞霄又舜資政在
卿潔身之誼高矣人謂朕何國家進退輔臣有禮夫
豈其然所取已兼毋庸多遜

賜權刑部尚書楊棟舜免除權禮部尚書日
下供職兼職依舊恩命不允詔

勅楊棟禮官之長在有虞氏爲秩宗在周爲大宗伯
至本朝而其官尤重朕不暇遠引如臣軾臣蒙臣璧
臣了翁皆以獨珍踐乎台斗卿負倫魁之望有諸老
之風若古六卿既居其二矣夫禮刑相爲表裏又曰
制禮止刑與其勞煩卿以呂侯蘇公之事不若位置
卿於伯夷后夔之選朕志先定奚以辭爲

賜文州刺史駙馬都尉楊鎮辭免除宜州觀
察使恩命不允詔

勅楊鎮在昔恭聖決策授立使朕被袞服冕南面有
天下傳之千萬世誰之功也嗟乎慈容遠矣思所以

用情於吾母者蔽自朕志命爾尚主蓋館甥之旨而
有庶車之授爾既聯姻帝室典故則然豈得而巽避
哉昔之尚主者多矣惟真長子敬脂澤不能沈富貴
不能淫爾美秀而文必能以二賢自勉副朕遴選之
意辭官小廉當志其遠且大者

賜馬光祖辭免依舊觀文殿學士除提領戶
部財國兼知臨安府恩命不允詔

勅光祖以計省兼京尹其來已久迺者兵費寢闕歲
事薄収非止無九年之蓄幾於無宿儲矣非止蘇湖
秀之民難食杭民亦貴糴矣此二職素難而在今日

尤難朕弄印莫知所屬問之在朝在野皆曰非卿不可朕念卿名位貴重宜坐而論不宜又坐而行然寧考用詔朕用與憲皆合省府而並命二臣亦不以貴而憚勞矧卿精忠體國非二臣所敢望歟都人望卿之來怒如調飢抗疏執謙近於徐行而拯溺矣卿母費詞朕不反汗

賜太傅右丞相賈似道辭免男賈德生特除秘閣修撰賈德潤特補承節除直秘閣賈德生妻趙氏特封吳興郡主賈蕃世妻趙氏特封宜人恩命不允詔

勅似道朕為愛女館甥為元良擇媿我家之曠典率土之同慶况丞相元勳威德與國相為休戚上有壽母不有羨子若婦燕齊而封拜之君臣之情也亦邦家之光也詩不云乎吉甫燕喜既多受祉卿為人臣不能為之功則當受人臣不當受之禮又何滿盈之有

賜參知政事皮龍榮辭免兼權知院樞密事恩命不允詔

勅龍榮自昔中興之時莫如周之宣王其事備見於詩序詩者蔽以一言曰內修外攘而已今遠則邊患

未已虜情叵測隱憂之衝慮近則大農之絕畿民飢
歎生視之無策朕焦勞于上思與二三大夫共圖之
卿參大政副本兵以國事為憂而不以名位為樂進
兼元樞權任深重夫必有天保之治然後有采薇之
捷具序如此朕之所望於卿也既非越俎奚必循牆
賜同知樞密院事權兼參知政事何夢然事
辭免除參知政事思命不允詔

勅夢然朕位置柄臣責以治功位愈高責愈重非直
隆其體貌峻其品秩為卿光寵也書日期試以功予
曰必有所試朕昔處卿諫諍則盡言無隱逮付卿機

政則同心夾輔試而詳之察之審由副樞拜叅與位
愈高矣然天下喁喁望治其責不愈重乎卿其佐朕
攬權綱明政刑進賢退不肖以副朝野之望亟祇渙
渥母執謙摛

賜觀文殿學士光祿大夫提領戶部財用兼
知臨安府浙西安撫使馬光祖辭免除同知
樞密院事兼提領戶部財用兼知臨安府兼
太子賓客思命不允詔

勅光祖卿既袞歸朕將柄用屬都人之簽俛煩舊尹
之重臨教條甫頒精采頓異然鎮畿甸則止於彈壓

三輔坐廟堂則可以鞭笞四夷若胃中之甲兵與肘後之方劑多多益辦恢恢有餘廼登副樞且冠儲采以見執任之重兼大京兆之雄必能叶漢相憂邊之謀講周官荒政之說卿况有振賊之譽朕無愧知人之明渙汗已行需函勿上

賜太傅右丞相賈似道再辭免男德生特除秘閣修撰德潤特補承奉郎除直秘閣德生妻特封吳興郡主蕃世妻趙氏特封宜人恩命不允詔

勅似道卿有大勛於王室朕加異數於相門禮緣人

情其來尚矣前詔諄諄而卿牢辭未已且謂臣鄰罕比然則凡今臣鄰亦有再安宗社之功如卿者乎朕非濫予丞相非虛受執謙過矣

賜馬光祖辭免兼同提舉編修經武要畧恩命不允詔

勅光祖國之大事賴史氏之編摩武之善經皆樞臣之摹畫雖曰屬僚之執簡然資賢弼之提綱卿以勲庸副于宥密運籌決勝况參帷幄之謀撮要舉宏宜專筆削之任辭之亡謂非所敵知宜即對揚毋勞巽避

賜知建康府陳昉辭免除戶部侍郎兼權刑部尚書恩命不允詔

勅陳昉諸侯入為王卿士周也公卿有闕選表於郡國漢也其來久矣爾前帥鄞福民到于今稱之起牧建安暮月之政而有百年之思周家所謂庶能漢人所謂治平第一於爾見之特索聽履之除將以為副符擁麾者之勸况羣賢畢至獨舊德雅望久勞于外人得以議朝廷之遺忘矣宜疾其驅以遠猷告

賜太傅右丞相賈似道辭免第賜宅家廟令有司條具以聞恩命不允詔

勅似道朕以卿勲侔創造為之卜潭潭之居志在顯揚為之作奕奕之廟况有累朝之舊比未聞先正之力辭卿爵高而志愈謙功大而心轉小倦倦拜跪縷縷陳情謂抗方歲儉而民飢越則州貧而財乏儻並興於二役必胥動於群言無廣廈庇萬間之心有大臣慮四方之志朕念爾德未報何官可訓昔宇宙翻覆殆哉岌岌乎今江沱宴安是誰之力也雖廟謨宏遠固無庸去病之家為然世德深長詎可效王珪之復祭其祗渙渥不必讀詞

賜皇女周漢國公主辭免令所司擇日備禮

冊命恩命宜允詔

勅皇女周漢國公主父子主恩况加異教典冊備物
合舉常異載披循墻之辭乞寢臨軒之禮雖渙汗不
反朕無戲言然謙尊而光爾有懿識宜從忱請姑略
彌文所辭宜允

賜寶章閣直學士王克謙辭免除寶謨閣學
士依舊佑神現仍奉朝請恩命不允詔

勅克謙士大夫之有聞於時有勞於國與民者雖倦
游或微恙朕猶維之繫之不聽而去爾之一門二惠
競爽皆當貴近矣又弱一个焉爾用未盡才顧因足

弱久廢朝謁茲以真學士奉內祠維之繫之之意也
昔者病今日愈則造於朝矣成命已盼毋庸多遜

賜江萬里辭免除依舊端明殿學士提舉洞
霄宮恩命不允詔

勅萬里朕於進退大臣每致其厚若夫負當世重望
謨謀廟堂曾幾何時乃卷懷而去朕察其不可留也
俾以端殿領洞霄焉歷現群公先正離合去就之際
皆無幾微見於言面其去也以六月息其未也則七
日復矣此卿所素講者朕今不反矣以辭為

賜提舉洞霄宮徐清叟辭免依舊職提舉佑

神觀兼侍讀恩命不允詔

勅清叟老成者國之典刑德齒者古所尊敬元正朝會郡公在列日中乃不見卿所以申前歲予環之詔聞卿雖開九秩而言謙風旨不減昔時研尋論著皆有新意夫豈安洛社之樂而無巍闕之心者况珍臺間館非敢勞卿以事細旃廣廈雍容談經而已縱卿耆艾朕獨不能給扶耶其就蒲輪以慰延佇

賜少保觀文殿學士充醴泉觀使魯國公趙葵再上表乞引年致仕不允詔

勅趙葵前已卻謝事請茲復陳知足之情信斯言之

也是涓滴之叟可以勿歸淇澳之老不必歲敬于國矣朕惟士大夫以辭榮為高當無事之世倡勇退之風可矣時方多故卿之勲德其身進退繫因重輕柰何致為臣而去乎昔裴度雖老尚佩安危先臣考博踰八袞而不得謝縱卿有遐心不造於朝國有大疑朕猶將就訪于家也其乎此意勿復有言

賜資政殿學士知福州馬天驥辭免職事脩舉特陞除資政殿大學士職任依舊恩命不允詔

勅天驥卿以舊弼往鎮全閩下車屬耳而治声流入

京師古所謂五月報政者於卿見之矣朕惟七聚土
瘠民貧累朝無莞權之征以厚其生臨遺之初蓋嘗
諭指卿推朕德意志慮布之條教專以廉儉而飭已
不為繆巧以生財與一路吏民相安於無事凡屬其
里游於校耕其野皆翕然譽之如出一口雖姑之疑
子產者亦歌之矣大學士之拜於以見朕褒表循良
之意奚以辭為

賜參知政事魚權知密院皮龍榮乞解機政
不允詔

勅龍榮卿以鳴碩魚幹鈞樞其聞望則本朝倚重其

德度則吾類屬心而况鼎鼐之味甚知若石之瞻尤一
峻忽求勇退良弗眷懷厥蘇湖歎而尚貴匪荒淮蜀
捷而未容於弛備方將與卿等力行好事申做國人
以凝前功以蒞後惠卿所謂二宜去朕為不然庶謹
非細行也將毋就養至榮也烏得以是而辭位乎

賜皮龍榮再上奏乞解機政不允詔

勅龍榮勇退之章卻而復至且顯以親闡為辭夫狄
公顧雲為不遑將母言也赤母請粟為不足於養言
也卿奉安與來非不遑矣以列鼎養非不足矣今欲
辭貴盛而味澹泊舍安佚而就跋履豈承顏養志之

道哉勉為朕留勿復有請

賜乃裕辭免特除檢校少保依前皇姪保寧軍節度使天水郡國開公加食邑實封恩命

不允詔

勅乃裕我國家懷族之恩過於朝代至於踈屬莫不
比肩顯融况尤親而近者其可無以寵異之手爾朕
之猶子清修好學建旄既久使之恥儀亞保其迂不
為驟其賢不為忝循墻之請過矣過矣朕言不再尚
克欽承

賜皮龍榮辭免除大資政殿大學士知潭州

恩命不允詔

勅龍榮望敏一時任重二府朕惜其去留之不可
念聖經有禮大臣之訓言國朝有鎮鄉部之典故乃
如相間方闕歲巨蓋汝父母之邦受予芻牧之寄夫
拊創殘之俗必訪問其疾苦繼榷剝之後必蠲除其
苛細意卿倍道疾馳如揀焚極溺然顧方抗章奏避
非所望於卿也其祇成渙不必勞謙

賜史龍榮再辭免除資政殿大學士知潭州
恩命不允詔

勅龍榮胡相自比年以來數易師守前之不能厚保

彰以衛民後之徒能因科調以剥下冠至而蹂踐甚
廣痛定而愁嘆未甦夫連十餘城之守任四千石之
重寧無它人以卿生廟堂之久念鄉國之切遂用先
朝名臣帥本道故事煩卿一行如卿所謂流離憔悴
者然無來暮之想宜謙巽時或况春陽載熙將母行
邁綠衣畫繡父老懽迎有足樂者吳以辭為

賜觀文殿學士提舉洞霄宮朱熠辭免依舊

職知平江府兼淮浙發運大使恩命不允詔

勅朱熠吳會為今右扶風地望素重自大尹兼都漕
以來視昔為重屬茲弄印起卿於午橋綠楚非以麾

節煩吾重臣之行也念積貯竭而荒政無以繼餽餉
急而敷歲未易糴上下交病敢寬顧憂惟卿資長者
有惻怛之意通世務者有康濟之材牧餽之寄無以易
堯而來奏乃謙巽太過何也夫臣弼青社臣鎮宛丘
之事遠矣如臣珙臣焘臣德秀朕荒之政豈可無舉
而行者若糴事則朕減之又減矣卿其比馭疾驅以
趨一方之急以見體國愛民之義

賜朱熠再辭免依舊職知平江府淮浙發運

大使恩命不允詔

勅朱熠前詔諄諄謂宜趣駕來章芻蕘尚賞循牆畿

祗甚澤鴈之流離內溝方切邊戍待木牛之飛輓減
竈未能此為何時顧拘常禮惟體國乃大臣之義而
活民亦仁者之心諒幅蓋之行春慰袴襦之來暮佇
騰治宸式副眷懷

賜太尉保康軍節度使呂文德辭免除開府
儀同三司職任依舊恩命不允詔

物文德自吾有狄患而爾有智勇自奮於兵間周旋
三邊大小百戰若搜蜀今復瀘其功尤偉調卒轉餉
皆宣威幕自任不以煩朝廷使人人皆如爾之忠忱
休國朕豈憂此虜哉使相之拜良不為過焉而來奏

方謙謙然為諸將叙勞尤見不矜功伐能之意昔人
比戰勝於獵歸功於發蹤指示者今獵者各分所獲
爾欲辭發蹤指示之賞可乎所辭宜不允

賜楊棟辭免除禮部尚書兼職依舊恩命不
允詔

勅楊棟以大宗伯持天下文衡之職也亦故事也自
臣軾之後少繼之者朕付卿此事所以期望之者深
矣卿帥其屬能体朕意以闕洛之理學草場屋之又弊
一榜之間得士為盛夫闡棘而貴主司之公撤棘而
旌主司之勞此累聖重科舉優近臣之意秩宗真拜
朕非濫予况卿號儒宗魁彥受之豈為泰乎

賜葉夢鼎辭免除兵部尚書兼職依舊恩命
不允詔

勅夢鼎朕選用儒英典司文柄方其入而較藝也則
戒以公明及其出而撤棘也人觀其去取卿藻鑑精
而權度審凡所品題所模索者多為才佳士故事放
榜之後主司或大用或峻遷歷歷可數况卿以粹德
雅望久冠履班因春闈而賢勞峻夏卿之真拜朕意
猶以為薄卿故欲辭之乎夫及聞暇園修撰如卿所
云正大司馬九伐之任宜踐言宜舉職有文事者必
有武備朕所望於通儒也

賜包恢辭免除禮部侍郎兼職依舊恩命不

允詔

勅包恢漢儒惟新公轅固年最高學取正然屢聘召而皆不究於用至今議者爲漢惜之卿年與學亦今之申轅也歲悅來歸雖已華皓而精悍不衰貳秩宗則肅朝儀侍通英則守師說造膝之語絕口不傳朕敬其典刑察其忠實爲貢之拜及今已晚然朕之待卿豈不厚於漢之待申轅乎辭之過矣

賜徐經孫辭免除刑部侍郎兼職依舊恩命不允詔

勅經孫古人有明試之法爲未用者言也儒者有己試之效爲既用者言也爾昔入爲御史有直聲出爲

廉使方伯有嘉績朕宜之華近察其忠實秋卿謙多所平返夕瑣封還凜然風采雖恬靖靡求於速化然賢勞宜峻於責除矧望實之素孚而論思之有補予非濫受卿勿牢辭

賜孫附鳳辭免兼同提舉編修經武要畧并授朝奉郎恩命不允詔

勅附鳳朕延登儒碩俾執事樞軍國之務帷幄之籌皆舉而屬之矣今警蹙少息事會方來所望同心夾輔之臣共脩攘夷復古之政昔漢唐中興曰樞機周密曰措置得宜而兵財不與焉朕責成於卿等如此

至於筆削武志特兼職之一遷轉文階亦舊典之常
其奚以辭爲哉

賜太尉保康軍節度使京湖安撫制置兼屯
田大使四川宣撫使兼知鄂州兼馬軍都指
揮使湖廣總領呂文德上奏辭免除開府儀
同三司恩命不允詔

勅文德復瀘之役卿功第一異函初上論卿勿辭前
詔未至遽騰再疏謙謙然有馮異賞復之風非以高
爵爲榮者然賞不踰時武志也令出惟行君命也卿
烏得而執一至之見乎昔李靖郭子儀唐之名將皆

富貴壽考然則天相卿之者龐福艾必矣又何冒寵
踰分之慮

賜新除兵部尚書葉夢鼎辭免陞兼脩國史
實錄院修撰恩命不允詔

勅夢鼎述作其難事乎前輩言唐實錄惟順宗一朝
我宋實錄惟英宗一朝出韓愈王安石一手故辭者
而事脩共惟寧考三十餘年之治史官纂述僅咸初
草至於討論修飾潤色之任必屬鴻儒故事以官高
望重者提其綱卿多士所宗六官之長其往為朕鋪
張揚厲以對茂陵在天之靈循堵之請非朕敢知

賜新除禮部尚書楊棟辭免陞兼脩國史實錄院修撰恩命不允詔

勅楊棟朕方選司馬遷班固之才屬之纂述卿乃援劉知幾韓愈之語形諸遜辭尋繹卿說政自未然知幾以三長自任然猶歎十羊九牧愈始者誅姦發潛之志甚壯既而曰今館中非無人必將有作者夫知幾愈之意良以不得專汗青之任爾卿以大宗伯提綱此事同館學士如堵墻以觀落筆與唐朝所以命幾愈者異矣卿而不可當誰可者

賜洪勳辭免兼侍讀恩命不允詔

勅洪勳自天子至於庶人未有不須友以成者朕在宥滋久典學一念始終不替爾昔以詞臣開卷升地親且近矣去而將指自我不見于今三年每御通英常渴典刑召以夏卿欲告猷于禁闥也進之勸講欲溫故于旃厦也前已盼趣行之命巽函過矣止勿復言

賜觀文殿大學士提舉洞霄宮吉國公董槐乞生前致仕不允詔

勅董槐古訓有之曰尊高年曰敬大臣朕於二者尤致其厚卿以年則國之耆俊以位則朕之前撥也矧

徐林公集

東石堂

祝釐無機務之煩居里有考樂之樂胡為抗疏遽乞
垂車夫富貴人之所欲卿卻邑租祠廩而甘一尊二
簋解慈珩孟勞而返深衣大帶所謂不以萬鐘動其
心三公易其介者辭周召之任亨松喬之壽必然之
理也陰陽豈為能寇哉勉親湯液何恙不已謝事之
請非朕敢知

賜孫附鳳辭免除兼權參知政事恩命不允詔
勅附鳳先朝置兩參與共筦幾務故有文學問修典
故問槩之語今虛其一可乎朕每覽卿諫書嘉其有
指佞觸邪之勇察卿心事知其有尊君親上之忠不

次拔擢俾登宥密惟懼有人矣朕惟折衝自強本始
外攘自內修始今紀綱未肅條章未備蠹弊未清
非止一事然則曰兵柄曰政本卿才多多獨不可以
共二與成命已放搆文宜畧

賜楊棟辭免除端明殿學士同簽書樞密院
事兼太子賓客恩命不允詔

勅楊棟朕登進輔臣必先德望非若它官可以序升
而次補卿研尋理學據依名節仕無附麗世莫磷淄
德足於已矣愈拜祭酒勸誨諸生贊典貢舉多得名
士望孚於一人矣况代言而典冊鮮儼輔儲而調護

後村先生大全卷五十七

六

易見堂

甚忠朕察其才堪大任俾執事樞天下喁喁望治卿宜
激昂奮發與吾大臣同心合德智謀經畫其遠者大
者方且雍容舜冀顧今何時寧不失事機而曠天上
乎其即就列朕言不再

賜孫附鳳辭免兼同提舉編修勅令依舊同

提舉編修經武要畧恩命不允詔

勅附鳳西都尚黃老者以刑法為司空城旦書而韓
愈亦有理官不儔三后之論然本朝設全科創勅局
以朝士刪脩侍從詳定而宰輔提其綱焉豈非曰淑
問曰審克乃臯陶呂侯輩人之事否則一獄吏所決

何至煩吾公卿乎朕既擢卿共政機務餘間從其長
暨乃僚以虞之五刑周之八法漢之三章講貫而修
明之使昭揭如日星易避如江河亦仁人之所樂也
奚以辭為

賜楊棟辭免除提舉編修經武要畧恩命不

允詔

勅楊棟得禦戎之上策莫若本朝緝經武之一書不
昭洪烈雖曰群僚之執簡允資碩輔之提綱卿以傑
魁位于宥密既其政能為其大若兼職焉得而辭強
本折衝朕方重樞機之任詔久傳遠卿宜公筆削之

權渙號已揚需章為贊

賜馬光祖辭免除依舊大觀文殿學士知福州恩命不允詔

勅光祖卿經營四方夷險一致召從顯聞入贊本兵以見執政之尊行大京兆之事帷幄之中制勝慮遠憂深輦轂之下無詳令行禁止予奪公而靡知強禦可畏應接勤而不以貴重自若時都人稱此賢尹卿鞠躬盡力自箋遲暮而求間朕序情閱勞為擇便安而均秩乃延恩之書殿付長樂之帥藩蓋今日七聚之樂郊亦中興名相之補處暫還粉社少侯瓜時諒

深愜於雅懷尚何煩於多遜

賜兵部侍郎兼侍講洪勳辭免兼直學士院恩命不允詔

勅洪勳自昔以世掌絲綸為美談朕不暇遠引如臣皓之有適遵邁臣宗召之有貴誼皆父子相踵禁林為衣冠盛事卿之先人朕之內相黃麻紫誥天下傳誦卿復以大手筆繼之摘文堂起草臺乃其舊游出於親擢所以增我家典冊之光豈特為卿文戶之榮哉尚休眷懷母為謙巽

賜刑部侍郎兼太子左庶子徐經辭孫免陞

後村先生全集
魚太子詹事恩命不允詔

勅經孫漢初士立功名者甚衆及羽翼元子則屬之
園綺輩人豈非談經義傳儲德以宿望不以新進耶
卿自資善初開從吾兒游迨春宮肇建以諭德召其
問辨齒宿而意新其誦說辭約而理盡為元良直諫
之友紫老成典刑之人進之宮端托以國本蓋選掄
之素定勿謙遜之徒煩

賜馬光祖再辭免依舊觀文殿學士知福州
恩命不允詔

勅光祖辭受之誼惟其當而已卿釋樞府而返書殿

之班去神臯而需閭閻之戍所謂辭尊而居卑辭富而
居貧異函再上欲併辭舊種新蠹儵然從赤松子游
在卿遠勢避權之舉高矣美矣豈朕閔勞貪賢之意
哉夫可以取可以無取取傷廉辭之可也今朕所以
錫命者皆卿券內之物奚以辭為

賜禮部侍郎兼侍講包恢兵部侍郎兼直院
兼侍講洪勳辭免經筵進讀唐鑑終篇並特
轉行一官恩命不允詔

勅包恢洪勳昔唐太宗有以古為鑑朕三復而允臨
不知唐治最近於本朝祖禹又評三百年之事最切

於治體是以日臨通英命諸儒更迭開卷卿固守師
說世之者儒洪侍郎云單傳家學國之端人旃履容勿兀所開說多
與祖禹暗合朕深嘉歎徹章進秩厥有舊比亦奚以
辭為哉

賜太傅右丞相兼太子少師賈似道辭免以
皇太子宮滿歲推恩特轉一官恩命不允詔
勅似道元良天下之本前朕命相多矣莫為國家定
大計者自卿宅揆與朕同心同德首建春宮而又招
聘者儒端人以輔翼之參決久而益智習事講貫熟
而發言當理近以其所學於賓友者成書來上由公

日啓迪之善開社稷靈長之基太公望賜履而封未
聞力翼正考父循墻而走母乃太謙宜畧搆文欽承
茂渥

賜參知政事兼太子賓客何夢然辭免以皇
太子宮滿歲特遷一官恩命不允詔

勅夢然黃閣逢辰風際風雲之會青宮滿歲例霑雨
露之恩卿為國疑承實傳儲貳積勞久矣遷秩宜然
云何鳴謙乞寢成渙朕令一反爾言未通蓋從游吾
兒固不止於一世儻獨為君子何以處於群公

賜簽書樞密院事兼權參知政事兼太子賓

客孫附鳳辭免以皇太子宮滿歲特轉一官
恩命不允詔

勅附鳳弼臣共政賴辰告之忠儲案遷官以年勞之
故既出綸而溥及奚抗疏而力辭况論德則先群公
而序爵則間兩社蓋自端尹而不莫不承思乃如賓
師之尊詎容避寵

賜端明同簽書樞密院事兼太子賓客楊棟
辭免以皇太子宮滿歲特轉一官恩命不允詔

勅楊棟朕頃建春宮擇天下耆德名儒居羽翼之任
首得卿焉于茲三年使吾兒學問日精詣德譽日宜

昭者卿力居多歲筭再周儲案遷秩舊典然也辭之
何謂固有朝共政而夕拜恩者况昔尹今賓名位愈
重乎朕令不及卿詞勿費

賜權史書修撰兼太子詹事葉夢鼎辭免除
吏部尚書兼職依舊恩命不允詔

勅夢鼎朕以卿出處有本末論恩有補益由夏卿拜
天官雖出獨斷亦采衆譽而除日適與卿祠請周日
卿遂溫前疏併辭新命且援孟軻之言陳誼甚高夫
軻之意為知進而不知退可以無取而取者設也若
卿之賢聞於天下不求而得既得而不患失何禮義

之有德積望之厚而取數之廉非辭受之失披飲承
渙渥勿上需章

賜戶侍陳昉辭免除權戶部尚書恩命不允

詔

勅陳昉邊備未弛兵費愈潤國甚貧矣前世類加賦
於民以贍經用朕非惟不忍也方且抑憲元祐用李
常為版書之意命爾進長地官惟爾簡要而非清淡
密察而有實用庶乎能以道御取予者其即欽承勿
勞辭遜所辭宜不允

賜趙崇熒辭免除權刑書兼職依舊恩命不

允詔

勅崇熒六卿各洽其事而秋卿所治之事天下之民
命繫焉昔人有言奏當之成雖臯陶聽之以為有餘
事言深文巧覈之可畏也惟精明者能燭闇惟密察
者不受欺卿真其人文昌台斗之拜遂付之以呂侯
蘇公之事卿其以所施於省閩銓曹者為朕蔽天下
已獄已盼渙渥勿上巽函所辭宜不允

賜知樞密院事朱熠再辭免以充進呈安奉

玉牒禮儀及使經武要畧禮畢各持與轉兩

官恩命不允詔

二書體大渙渥已盼再疏辭堅謙為太過非躬之
濫賞有列聖之成規矧以龐臣輯茲鉅典卿言良是
欲慕正考父之恭朕令惟行豈容范宣子之遜爰申
諄諭其即對

口宣

渙號既行蓋爾功之宜賞需章復上何朕意之未孚
式克欽承毋庸多遜

賜太保右丞相益國公賈似道再上表辭免
國史實錄玉牒會要經武要畧進書禮成轉
官恩命不允詔

前詔遠引伊尹孟軻極其諄切來疏自方卜商考父
尚爾謙撝在端揆欲倡廉退之風然先朝固有褒崇
之典卿雖系奏朕亦三思謂京雉蒙慶元之思幾於
太厚若王旦被祥符之賞孰以為非已差告廷之辰
姑止循墻之請

口宣

有勅卿言極品不可序升國有常彝詎容獨廢宜祇
成渙毋復執謙

賜簽書樞密院事皮龍榮再辭免以進奉安
日歷會要禮畢轉官加思恩命不允詔

朕尤重纂脩之事幸睹成書凡與聞筆削之臣皆霑
醲賞卿方該輔職在提綱內而立政造事之大方外
而制敵禦戎之長筭細羅咸備軌範昭垂旌勞疊進
於文階引義濬形於巽牘攷邦彛之具在所謂臚功
儻使領而力辭寧無妨衆但當亟受不必重陳

口宣

有勅成書來上典司之力居多增秩固辭廉遜之風
可敬予寧濫賞卿勿勞謙

賜簽書樞密院事沈炎再辭免以同提舉編
修經武要畧就充禮儀使特轉兩官依例

加恩恩命不允詔

朕內飭治功外嚴武備雖明謨雄斷機密不傳於史
官然濃墨大書紀纂具存於宥府茲奉鉅篇而登進
載加碩輔之典司置二秩之殊褒遵累朝而故實胡
為再疏猶守一謙執簡而書可以帥其屬矣循墻而
走豈所望於卿哉其即欽承勿勞詞費

口宣

有勅經武之書繫卿之力辨官之說匪朕攸聞其祇
服於訓言勿固持於謙志

賜皮龍榮再辭免除參知政事恩命不允詔

朕敷求賢佐協濟治功既遣紹璫臨門矣車馬陳庭
矣卿方再疏懼避引先朝諸臣以自鑑戒夫易簡未
能忘情於進用者卿未嘗汲汲朕察其端介忠實授
之以政焉得以是而自儆哉十一載之遇未易逢也
一二日之幾不可曠也卿其拜詔就列勿費乎辭

口宣

有勅抗章未已辭寵益堅朕深惜桑蔭之易移卿宜
思機務之難曠勉脩職業庸副春懷

賜沈炎再辭免除同知樞密院事兼權參知
政事恩命不允詔

朕舉文武二柄爲之於卿眷益隆任益厘矣宜及國
家間暇叶贊廟謨汲汲焉共圖修攘之政乃抗章懼
避未已先辭受之小庶後安危之大計豈所望於二
三執政之臣哉已飭攸司毋納異牘

口宣

有勅機事方來宜深惜於日力巽章屢上得無曠於
天上卿請雖頻朕言不再

賜試右諫議大夫兼侍讀何夢然再辭免除
端明殿學士簽書樞密院事恩命不允詔

朕進用二府大臣付以天下國家之事參於輿論蔽

於朕志而得卿焉每覽群臣章奏莫切於任理任法
之疏卿今得位可以行其言矣不此之圖顧方謙矣
未已非所望於輔臣也其祇成命不必瀆辭

口宣

有勅親擢樞臣共籌國事方欲舉修攘之大政豈宜
狗辭受之小庶矣命再申需章姑止

賜右丞相兼太子少師賈似道辭免勅令所
修進景定編類吏部七司續降了畢特與轉
兩官依例加恩恩命不允詔

載覽奏函因辭遷秩夫上道撥下法守乃世哲之訓

言若次律令定章程亦大臣之職業既群僚之皆進
豈端揆之獨遺卿則云無階之可升朕則愧有功而
不賞科條森列永遵蕭相國之規渙渥已行勿效范
宣子之遜

口宣

有勅朕於慶賞一視舊章卿再謙撓游辭新渥敏承
温詔庸体至懷

賜同知樞密院事兼參知政事權沈炎辭免
勅令所脩進景定編類吏部七司續降了畢
特與轉兩官依例加恩恩命不允詔

渙號已行需函未止經曰懋功懋賞蓋以獎於賢勞
諺云經進經脩初不分於久近况勅屬各需異渥豈
柄臣獨守一謙其体至懷毋勤再請

口宣

有勅卿與進書通當初拜朕方行賞焉可獨遺有舊
典之具存在搗文之宜畧

賜右丞相賈似道再辭免進書轉官

恩不允詔

英命重申需章屢至看為律定為令朕方喜於成書
振其要舉其行卿詎容於舜賞井井乎濫則馭官之

別謙謙然言器假人之言宜拜新綸式存舊典所辭
宜不允仍斷來章

口宣

有勅二秩之增舊章是率三命而俯雅志未宜畧
搗文毋曠機務

賜幸臣賈似道等上表奏請皇帝御

正殿不允詔

比以積陰為沴淫潦兼旬耳簷溜如聞歎愁睹蒙霧
如畏威怒徧宗群望申飭有司發粟散財赦過宥罪
曲盡憂勤之至尚虞感格之難避師氏之正朝約太

官之威儀晨盼親禮夕現霽華活民命於沾危表天心之仁愛茲披來奏請復常儀然瀕江之編戶浮蒙近輔之低由為堅穴傷甚廣昏壘甫甦彼曰怨而曰吝今猶未已予求安而求飽人其謂何卿等之所以愛君者甚忠朕心之所以愈敬

賜幸臣賈似道等詣文德殿再上表奏請御

正殿不允

朕惟君之事天猶子之事親方其出菑害以示誥告也必思敬怒晨威以冀其銷餌及其霽顏色之復慈愛也必愈怡聲下氣以求其底豫今精禋甫交敬肆

隨異則一念有時而間斷方寸不足以對越矣况此屋漂搖而親事法宮自若細民糠糶而惟辟玉食如故雖甚涼德寧不愆然卿等具輔朕不逮交修相勅以助陽剛以消陰慝以相我穡事路朝聽治徐議未晚

賜右丞相兼太子少師賈似道辭免皇太子
宮滿歲特轉一官恩命不允諾

德隆者任重旁大者報豐叢卿宅揆之初贊朕建儲之策既從游於宮者亦議政於朝堂成吾兒仁孝恭儉之名皆相君模範典刑之力年勞序進舊比俱存

絲宮端而下皆遷宜師氏之尊可後備常錫命恨莫
時鴻翼之功陳義引辭寧欲避鷹揚之拜其祗渙渥
母弟眷懷所辭宜不允

口宣

有勅儲僚服采滿歲遷官師氏執謙箋天避寵卿雖
陳於雅志朕難廢於彝章

賜何夢然上表再辭免除同知樞密院事兼
權參知政事恩命不允

渙號載揚需章存至文武欲盡予方急名臣之求事
會方來卿毋使庶工之曠宜慕姬公之待旦宜如陶

侃之惜陰以康濟艱難以新美治化力辭過矣衆望
缺然皆云卻走而循墻矣異徐行而極溺斯猷斯謀
爾告久已相孚朕心朕德乃知胡為未喻亟其就列
副此虛懷

口宣

有勅西樞科瑣於三邊東府彌綸於萬務緊選掄之
甚遠顧謙巽而未皇宜畧虛文共脩實政

賜何夢然再辭免除參知政事恩命不允

卿進毗大政允惠羣心茲覽需函猶執謙柄達慕夔
龍之相遜自云準介之不如惟先朝之擢二賢世稱

其直節若近日之居七爭競號於取言昔所建明今
可施設胡為辭再三命之祀得無曠一二日之機况
治功尤貴於惜陰而鉅用何拘於滿歲其乎此意勿
費乎辭

口宣

有勅轉廳之除前已播告猶墻之疏茲復被陳典聽
朕言恪共職

賜馬光祖再辭免除同知樞密院兼提領戶
部財用兼知臨安府兼太子賓客恩命不允
卿既大用人無異詞胡為來章未諒前詔况旰食方

勤於此顧若時髦孰贊於西樞卿抱壯心指管樂而
自許朕監成憲命弼疇而同升固將天張皇威輔導
儲德修政據羨蓋先圖其大者主計尹京未免斷而
小之全材左右之共宜庶務精粗之畢舉蓋真知庖
丁解牛之易何至有馮婦搏虎之嘲所言甚謙惟令
不及

口宣

有勅妙選廷臣延登樞筦以廟堂之貴重兼省府之
劇雄卿欲辭焉誰與頌此

賜楊蕃孫再辭免特除保康軍節度使提舉

佑神觀恩命不允

卿游控表章而辭寵朕非輕名器以假人上則念先后援立之恩下則嘉愛女回馳之請亦既備築壇之禮宣容執避席之謙彼三揖而進者觀美之常若再命而倭者為恭之過受之則是止勿復言所辭宜不允仍斯表章

口宣

有勅屬朕出綸命卿伏鉞游舞成漢母乃勞謙情宜相孚汗不可反

賜皇帝乃裕再辭免特授檢校少保恩命不允

屬有親疎固難乘論君司慶相時有異恩乃如再疏所陳必欲十年之待此廷臣辭遜之常禮豈家人唯諾之至情所辭宜不允仍斯來章

口宣

有勅朕加惠近臣通班亞保既告廷矣可循墻乎已戒彼同母納來奏

賜楊棟再辭免除端明殿學士同簽書樞密院事兼太子賓客恩命不允

存辭宥密倫見惘忱乞卿所云皆朕未諭上宰集思而廣益冀商榷於帷籌同列協恭而和衷可調膺於

鼎寶宜講周家修攘之政宜膺虞廷喜起之歌以副
朕知以答興望與其守難進之志謙謙於寵榮孰若
及可為之時汲汲於事業姑停巽牘毋曠繁機

口宣

有勅經綸重望方賴折衝辭遜浮文寧無妨要宜孚
前詔矣必宰辭

後村先生大全集卷之五十七

後村先生大全集卷之五十八

內制

請詞朱表卅一首

明堂大禮前於天慶觀啟建預告九伍五嶽
四瀆道場請詞

伏以剛日載消將展儀於宗社先期加謹敢徵福於
高穹俯竭精虔仰祈臨相普錫豐年之慶乞臻熙典
之成

滿散朱表

伏以宗祈練日將講綈儀先事告期冀啟精意諒天

心之眷顧相歲事之豐登祀典用成皇圖有永

太乙宮啓建 明堂大禮預告祈晴道場滿

敬醮一千二百位分請詞

伏以秩祀抄秋將告虔於重屋先期浹日敢激福於殊庭今太史之龜筮協從若有司之籩豆已戒惟陰晴之未定蓋夙夜之靡寧寅班綠章仰祈蒼昊伏願辦香上格飈馭下臨圓魄中天映黃流而同色霽華麗曉灑玉路之無塵

太禮前二日朝獻景靈宮分詣

元天大聖后請詞

伏以欽若昊天方精禋於重屋告于始祖預款謁於殊庭雖慙明德之馨庶啟後人之佑仰憑道妙俯鑒衷忱

明堂禮畢奏謝 諸陵攢宮表文

伏以藏事周宿備芬芬苾苾之儀徽福漢陵瞻鬱鬱蔥蔥之氣威靈如在禋祀克成仰先烈以興懷薦微忱而推謝

明堂大禮畢於天慶觀啟建告謝請詞

伏以講禋類之縟儀幸無闕典答穹示之靈貺厥有常矣謹叩竹宮薄羞蘋薦伏願天其申命方開熙洽

之期神之格思益介簡穰之祉

滿散朱表

伏以奉報邕以精禋已蒙嘉應薦滿繁而昭蒼庸罄
微忱伏願帝鑒孔昭天休滋至九扈奏金穰之喜四
時調玉燭之和

天基節茅山設醮

彌月初生有神光之下屬後天難老非巧歷之能推
惟昊穹示箕翼之祥即福地羞澗溪之薦凡眇躬所
祈者豈秘祝之謂哉上欲綿社稷之卜年下則為蒼
黔而歛福共願高真來格寸念默孚俾爾熾昌敢獨

專於一己躋民仁壽可推廣於八荒

滿散朱長

月紀孟陬震出適當於五月虹流華渚節名永紀於
千秋翼翼拜章穰穰降福敬挹澗溪之潔少酬天地
之仁

大乙宮申奉聖旨今月廿七日就 靈休殿醮交

年清醮并正月三日修設天基聖節清醮請詞兩道

交年醮請詞

臘盡春迴稍變巖凝之候乾旋坤轉將開平治之期
仰蒼昊以陳辭為黔黎而祈福伏願靈存來下忱悃

默孚年歲屢豐可拾畦間之穗烟塵永熄不傳塞上
之烽

天基聖節請詞

受命於天久仰重離之照誕彌厥月過臨出震之辰
即殊庭密露於禱祈庶同宇咸躋於仁壽富非專饗
情必上通伏願昇洪範之疇鑒華封之祝過於箕翼
雖巧歷而莫推譬諸岡陵若雅人之所詠

正月二日恭遇

皇帝甲子萬壽觀設醮詞

歲歷甫新屆此孟陬之月道家尤重在於元命之辰

稽首藻珠薦忱薇藻恭願俾爾純嘏惠我無疆祝天
子之萬年如詩所詠錫皇極之五福以壽為先

滿散朱表

庚申啓運雖舊惟新甲子循環既周復始仰瞻蒼昊
俯歷丹忱伏願節紀千秋多覽忠臣之鑑嵩呼萬歲
壹如太史所書

仲春潮旺就吳山忠清廟設醮祈保江岸詞

風濤浩渺莫險於二潮之江潮汐往來尤盛於仲春
之月有神主宰自古流傳即靈瑣之邃巖為都人而
祈懼恭願寶薰上格飈馭下臨金隄絕蟻亢之憂連

復木先生全集
覽安堵砥柱中龍門而立巨浸順流

三月三日恭遇

皇帝甲子本命萬壽觀設醮詞

春熙寒往方鍾興運之祥日吉時良適際元辰之旦
俯陳悃素仰叩穹蒼伏願監此精忱昇之純嘏錫庶
民之五福共保太和開壽域於八荒敢懷專饗

滿散朱表

蒼規垂暮適然臨本命之辰綠簡箋天非敢當封人
之祝穰煙上徹飈御下臨豈惟近臣聞嵩嶽之呼抑
使吾民有春臺之樂

立夏就龍翔宮正陽殿脩設感生帝醮詞

規春垂暮靡愆代謝之期銜夏闔端將屆清和之候
敬羞蘋藻虔叩竹宮恭願帝監孔昭靈旂來下詩賡
唐殿應無苦炎熱之嗟絃奏舜廊孰不解薰風之愜

七月四日恭遇

皇帝甲子萬壽觀設醮詞

封人之祝巧歷莫知元命之辰道家所重敬羞蘋藻
仰叩藻珠恭願監此精虔錫之純嘏祈天永命益為
遐續之圖夢帝與齡孰測延洪之筭

滿散朱表

精忱之至無微福之心肝蜜之間有與齡之兆顧慙
 涼德忝荷洪休罄華祝之懽呼挹澗泉而摧謝
 仲秋潮旺就吳山忠清廟設醮祈保江岸詞
 京師諸夏之本甚矣浩繁浙江八月之潮尤其洶湧
 欲編叱之安堵即靈瓊而監閤不假一壺民免其魚
 之患靡勞萬弩浪無如馬之高

天基聖節萬壽觀設醮詞

誕彌厥月昭示於休符受祿于天敢私於涼德輒羞
 蘋薦仰叩竹宮冀丹赤之上通與蒼黔而均被曰壽
 曰富壹如皇極之敷欲安欲生各遂人情之願

滿散朱表

儲祥震夙時屆初生顧德菲涼福寧專饗甫露章之
 上徽我颺馭之來臨所願開壽域於八荒不敢當華
 封之三祝

天基聖節茅山設醮請詞

青規屆序甫布陽和赤氣呈祥有開景運稽首踰瞻
 於福地齋心默禱於皇穹以渺躬膺歷數之歸以涼
 德託士民之上多歷年所克享天心屬逢誕節之前
 期盡屏昔人之秘祝恭願兩暘朝順朝野歡娛錫五
 福於庶民敢云專饗開八荒之壽域孰不樂生

滿散朱表

王春正月屬屆初生福地名山初非秘祝蓋均爲於
溥率豈專饗於菲涼願垂天地之仁俱錫居民之福

正月七日恭遇

皇帝甲子本命萬壽觀設醮請詞

新歲紀孟陬之月方屆履端渺躬逢本命之辰敢懷
微福俯羞菲供仰扣殊庭恭願鑒此微忱錫之多祉
周而復始喜景運之循環惠我無疆非歷家之能算
滿散朱表

受命于天獲承丕緒誕彌厥月適值元辰箋母悃以

力析冀蒼穹之垂佑

仲春潮旺就吳山忠清廟設醮祈保江岸請詞

浙江險阻自古而然潮候往來於春尤盛祈都人之
奠枕薰靈瓊之辨香恭願神物護持風濤恬靜六飛
所駐填安衆火之區千丈之隄杜絕漂搖之患

太乙宮申保蠶麥設醮請詞

女功伊始各勤五畝之桑民食方艱尤望兩岐之麥
欲田里免飢寒之患必雨暘無乾溢之愆迺述輿情
仰干穹聰恭願惠風和暢化日舒遲冀似蠶而倍收
競練白雪餅如篩而一飽蚤刈黃雲

三月八日恭遇

皇帝甲子本命萬壽觀設醮請詞

維暮之春式屆陽和之候誕彌厥月聿開震夙之符
輟印殊庭寅緒祕笈伏願皇圖山擎壽祉川增逢甲
子之元辰用祈景貺紹庚申之寶運永保丕基

滿散朱表

緒業之託寶傳渺躬陰陽者流尤重元命爰控精祈
之悃敢萌專饗之心願與臣民同躋仁壽

立夏就龍翔宮正陽殿修設感生帝醮詞

朱明候應初欣墮麥之登蒼昊聽早敢挹澗蘋之薦

諭瞻絳闕虔控綠章伏願帝監四方皇敷五福假也
大也發為養物之仁薰芳時芳推以解民之愠

冊文七首

明堂大禮前一日朝享 太廟

聖祖天尊大帝

伏以物本乎天人本乎祖維帝之盛有光義農垂裳
之化合宮之制千載而下猶想其風慶源既衍施及
冲渺茲卜季秋藏事國陽啓迪後人迓續休命

祖宗帝后十三首一同

伏以猗歟我家以聖繼聖帝德之盛若古勳華后範

之懿曰女堯舜遺此艱大集于菲涼屬修宗祀前期
以告洋洋如在神之格思亦既受社施于孫子

昊天上帝

伏以帝監四方眷宋不釋惟德是輔詎天我私農扈
有積邊烽息警篤匪人力真宰之功仰觀星象俯練
時日曷謂大饗亦惟小心其億萬年對越景命

皇地祇

伏以莫厚於坤故能載物王者母事自古則然生齒
惟蕃地道亦敏都人足食歲事遂成后土之功與天
同大茲卜素商肇修宗祈迺薦黃琮以徽終惠

太祖皇帝

伏以天厭五季真人勃興黃鉞一麾潛壘電掃寶開
噴宋無窮之基創造孔艱揖遜不有帝庸眷顧詒萬
子孫仰憲累朝藏事重屋曷敢不恭威靈在天

太宗皇帝

伏以聖矣熙陵舜受堯禪六合一家偃伯宗儒以武
戡亂以仁立國軼漢跨唐與周比隆曾孫纂承懼德
弗類屬嚴大報敢薦徽忱詒謀既遠流慶未艾

寧宗皇帝

伏以於皇聖考侔德舜文宵衣之勤澣服之儉天輔

有德民懷有仁渺予冲子美壻如見付托之重大懼弗當屬修宗祀嚴父配帝赫赫濯濯寶照臨之

表文十首

成穆太后 慈懿皇后攢宮脩造奏告

慈容天遠陵兆歲深茲卜繕修深虞震動筮者叶吉材覓俱良舊觀將新前期已告

慈懿皇太后宮修換翻蓋奏告告遷神御

陵柏黛蒼惟神靈之貴靜廟楹丹刻屬啟靈之當新撰日之良鳩工惟謹暫茲移御行矣返樓

慈懿皇太后宮造遷神御權奉安表文

啟必改為固難因陋禮當遷奉焉敢憚勞敬舉玉衣暫移帳座佇遷舊觀即復悶宮

仲春補種諸陵攢宮

陵廟禮嚴方春按視橋山松柏悶宮楹楠乃補其疎乃飾其盞焄蒿如見不敢不告

昭慈聖獻皇太后上宮等處翻蓋修整奏告

雨凌風震寧免傾欹日吉時良將加設飾儼神游之如在報先事以告期慈監俯臨僞功不遠

昭慈聖獻皇太后下宮等處翻蓋修整奏告

遷神御

園陵事重霜露感深敝改而為方欲新於舊貫礙通諸理暫移次於別楹庀役云初告期惟謹

昭慈聖憲皇后下宮翻蓋修整權奉安神御涓日之吉將繕寢園在天之靈暫遷幄座聿嚴崇奉其即晏安

成穆皇后攢宮下宮殿宇翻瓦抽換奏告告

遷神御

亢藏廟祝禮尤極於嚴恭雨降露濡物寧無於盪敝既羞辰而得吉將撤舊以更新敬奏靈荐暫遷別幄權奉安

仍舊如之何事不容於因陋避礙通諸理敝必至於改為乃即殿楹暫遷帳座俟鳩工之告畢奉颺御以適歸

赤山攢宮成恭慈懿皇后下宮並已修整了畢告遷神御還殿及正奉安

時前告遷

陵官繕廢舊觀維新祐主返栖慈顏如在乃涓上日豫告前期

正奉安

梓人竣事既繕寢園木主棲神復還帳殿微音貯室

佳氣鬱葱在天之靈宜隔蒼梧之野乘雲而去徑歸
姑射之山

紹興府攢宮修蓋 高宗皇帝憲節皇后憲聖
慈烈皇后 孝宗皇帝成肅皇后 光宗皇帝
寧宗皇帝恭聖仁烈皇后攢殿神門并神御殿
神門並已脫換柱袱欄楣重新蓋瓦畢備合同
告遷奉安

告遷神御

昨因飾盞嘗先事而告期今既僑功將妥靈之有日
遙望弓劍所藏之地不勝羨墻如見之心崇奉愈虔

潔齋以白

正奉安

梓人竣事盞啟一新祐主返棲成靈如在焄蒿之念
尤切崇奉之禮益嚴

仲春補種諸陵攢宮窠木及修奉殿宇衣幃
什物

春視園林舊典有嚴橋山之柏寢廟之簾補疎飾敞
妥靈揭虔敢不昭告先后在天

成恭皇后恭淑皇后上宮翻蓋殿宇龜頭奏
告

後村先生大全集
見石堂

慈容如在既久因山積蠹宜新初非修墓載涓良日預告前期屬鳩傷之將興願威靈之默相

後村先生大全集卷之五十八

後村先生大全集卷之五十九

內制

祝文

明堂脩整

太廟大殿并四祖殿合用前時

奏告

神御還殿十七首共一詞

伏以練日精禋前期藻飾迨茲竣將事以妥靈維列聖之顧歆鑒冲人之寅奉

正奉安十七首共一詞

伏以有司飾設奕奕孔新列聖威靈洋洋如在剛辰允協神御乃安佑我後人成之熙事

後村先生大全集卷五十九

易見堂

仲秋潮旺祭告 南瀆大江昭靈孚應威德
博濟王一首

伏以一馬渡江六龍駐浙惟天設險拱護行闕川后
波臣受職于朝壁靡沉河弩不射潮茲卜季秋聿脩
大報徽福爾神前期致告

從祀五廟一首 忠武英烈威靈顯赫聖王

英烈王 善應安濟 忠應協配 聖佑公 顯衛候

伏以六飛省方百神受職濤江無波如行枕席農畝
有秋相安耕織維彼小民謁焉必獲矧國大祀敢不
以白捍我金隄相我寶穡既成熙事亦永血食

滿散 五嶽四瀆二首 係一詞

伏以國家大饗預消剛辰川嶽靈祇首列祀典屬將
藏事敢不告虔相我緼儀冀神陰賜

明堂大禮分祭 九宮貴神 共一詞

伏以國之大祀卜用剛日天之貴神祭有常儀即壇
而享以徽靈既相熙事且祈豐年

分祭 社稷 共一詞

伏以自古建國莫重於社太稷改云著在祀典不屋
而壇雨暘必謁况乎種類敬奉牲幣且謝且祈

分祭 后土氏 后稷氏 共一詞

伏以三歲大報咸秩百神惟勾龍氏惟后稷氏有功
萬世乃飾祀典寅奉潔粢願相歲事溥歌華黍

明堂前二日朝獻 景靈宮分詣

祖宗帝后

伏以消剛愆祀先事告期將禮有嚴方奉周京之遵
豆孝思尤切仰瞻漢廟之衣冠尚啟後人迄成熙典

明堂禮畢祭謝 嶽瀆一首

伏以比選吉辛肇脩宗祀寅畏嚴恭之念可質幽明
濛鴻業域之神若通肝鬲逮茲成禮敢不薦神

明堂畢告謝 五嶽四瀆一首

伏以屬者大饗編于群神爰及熙成莫非隲相竭精
忱而推謝冀矜蠶之顧歆

中太乙宮 立春

國之祭礼尤重春祈天之貴神事修時薦福匪專於
一人德欲徧於群黎伏願措世泰和濟民仁壽禱祠
之事參攷於漢儀躋次所居常臨於吳分

西太一宮 立春

九歌之禮莫重東皇五福所臨聿崇西祀敬羞菲薦
冒班忱辭伏願歲事屢豐物生成遂其帝大皞皆欣
木德之回曰天貴神虔致竹宮之禱

祝海神仲春

粵從六龍駐蹕吳會東南地虧水之所匯百谷納神
惟海為大濤江東來春尤澎湃有神司之祀典具載
割牲漑酒後除菑害農飽粒稔人厭魚蟹禱又有賽
歲歲毋忘

祭南瀆仲春

瀆祭禮成秩建炎省方四瀆存一濛鴻之神
職春祀有嚴遵侖如式颺息歎颺濤絕注激
不生報賽毋數

從祀五廟仲春

濤江之險其來自昔拱衛行闕此江之力障回狂瀾
爾神之職金隄埽岸砥柱潮汐仲春之朔薦陳芬苾
黎元莫居舊盤永熄

三月一日太陽交蝕合用祭告太社

季春之朔日有食之求端於天必有其故或朝政有
闕或陽教不修方自慙其菲涼安敢諉於躔次競競
致禱杲杲如初

陰雲不見祭謝太社

陽光薄蝕預見占書雲氣蔽虧弗形咎證匪曰側修
之所致端由仁愛之至深是用敬共少伸報謝

太廟修整合用秦告權奉安祝文

奏告

漂搖之害楹桶稍染鳩倂之功龜筮叶吉齋祓以告
威靈實臨

權奉安

加飾桶楹漱當改作暫遷帳座禮有權宜敢告前期
即還舊觀

太廟土地

奉先事大繕廢禮嚴乃鳩功徒重飾盡敬神其訶護
脫以告祥

孟冬車駕朝獻祝香

啓佑渺躬延洪寶祚澤中之鴈咸集凋瘵少甦塞下
之馬不嘶風塵永熄

十月四日立冬祀太乙十神

中太乙宮

元冥屆序之初宜修常祀太一所臨之分必有休祥
乃即竹宮敬羞蘋薦冀靈旂之下格庶景既之駢臻

西太乙宮

國之太祀聿嚴於冬天之貴神必有所次即照臨之
分埜爰挹注於澗谿均節雨暘莫安華夏

仲春祭海神

海於天地為物最鉅重溟浩渺百谷奔注鰲極載奠
龍馭斯駐宮闕之巖生聚之當川后受職陰相默助
鯨波安流颶母熄怒蛟鰐服循魚蟹鮓餼祀典有嚴
禮意攸寓

仲春祭南瀆

南渡嶽瀆四惟一存以水為國濤瀾吐吞厥神濠鴻
與嶽亢尊內扈京邑外壯蕃垣鯨鯢既清魚蟹亦蕃
祝史告虔歌此簋罇

仲春祭祀五廟

炎紹省方定鼎江沂宮闕岩堯民物蕃庶列聖經營
百靈森扈驚濤順流不頌萬弩枕奠畿民輻輳海佑
正解以告神不我吐

修整太廟冊寶殿合用奏告大殿十三帝后
冊寶至重累朝所傳土木雖上有時而啟方將飾蠱
敢不告期

太廟土地

宗廟尊嚴蠱者必飾方隅禁忌神之所司舊觀將新
前期以告

中太乙宮五秋祀太乙十神

老火濁暑待秋而清華黍賈穡待秋而成矩令初行
乃歛甲帳為國為民哀輯休既近而畿輔遠而邊疆
農夫奏功蚩尤收芒

西太乙宮

赤帝威收少皞時至瞻言西方貴神所次敬羞蘋薦
默禱竹宮宵涼饑暑冷露清風捷書載塗餘糧棲畝
邊無小警年以大冇

孟秋朝獻車駕詣宮行禮祝香

時政清明歲功孳斂五星聚井無蚩尤之旗萬寶得
秋有太倉之粟

聖節致語一首口旁句合曲附

天基節集英殿宴致語

春王正月開震出之休符天子萬年仰離明之久照
共推皇帝陛下文勤至是堯大如天田間歌華黍之
詩老農擊壤塞上奏采薇之捷都護奉觴臣等輟采
與言共祈睿筭

口號

民情物態漸熙熙
載金幡化日遲無
一點塵飛玉塞有
三白雪下瑤池
史官應筆嵩呼事
墨客誰賡鐫宴詩
惟有南山堪比壽
世間巧歷不能知

句合曲

逢繞殿之辰

俳詞少伸善頌

春瑞帖子

皇帝閣五言三首

辛酉春

苑柳抽芽碧宮花透萼紅不干青帝事上自是天公
雪霽長揚館冰銷太液池君王勤典學無暇問花時
步輦春遊少先朝事可師買燈文館諫折柳講筵規

七言三首

祈年禱雪感而通黃帕封香出禁中百姓不知皆帝

力只言解凍是東風

古來春日寬書下定有堯言發德音雨向紅雲傍畔

立最知聖主愛民心

黃符不輟寬農賦黛耜何須幸藉田野老傳觀臺歷

喜乞漿得酒是今年

皇太子宮五言二首

立春

朝野俱相慶元良入震宮卓然由獨斷不待茹芝翁
朝退常臨講春宮樂事稀儲君勤問寢聖父尚求衣

七言三首

聽雞而起嚴溫清踐蟻雖微念發生海內傳聞皆色

喜宮中仁孝本躬行

錯由術進何裨漢任以棋親亦誤唐聖代尊經崇理
學講堂燕子日初長
與貴近言常懷恪待賓師禮極溫恭新年聽得都人
語盡說儲君肖祖宗

皇后閣五言二首

瑞午

香羅兼紉葛百辟謝恩歸誰信椒房儉身惟衣練辰
前星皆貴主佳節值維賓賀卻至尊了同來賀聖人
七言三首
挂起艾人存故事捕他蠅虎累仁心龍舟閣岸何曾

試且向薰風和舜琴

紙上姜任今遠矣女中堯舜果誰哉業朝闈範真龜
鑑寄語汪心莫鑄來

樛木思需群下久菖蒲飲與六宮同遙知寶扇輕披
拂散作人間解愠風

公主閣言五二首

瑞午

蟬咽高槐綠魚吹細浪圓未皇理在額先要和薰絃
左右陳圖史毋煩鑄古銅惟應勤與儉事事監中宮

七言三首

禁藥葵榴隱映紅一番櫻筍過匆匆仙家有餌菖蒲

者採入瑤巵壽兩宮

有意薰蘭為佩服無心闢草較輸贏何須綵繡祈長命不待釵符自辟兵

內中車馬稀曾出上在深宮待燕遊聖父宵衣臨幸少垂揚終日蔭龍舟

皇后問五言二首

土戌立春

六宮奉栢酒同向上前斟聖主求衣早椒房儆戒深往昔端門幸恩霑感晚釀外家今挹損安有馬如龍

七言三首

一點陽和照斡旋枝頭枯槁忽殊妍人間但見千紅

紫玉指金針妙不得

春月羅敷少出嬉陌頭漸及采桑時中宮尚講親蠶禮報與人間嬾婦知

太液冰銷寒霽感新年喜氣霽皇闈恰聞主第初諧耦俄報儲宮已冊妃

公主位五言二首

粧閣朝暘暖書窻晝漏遲不看列女傳即誦二南詩彤史芳華筆金爐戒定香羞談沁園事肯學壽陽粧

七言三首

甲第朝參稍折旋聖恩尚欲便傳宣內南新創更衣

所長近君王尺五天

永晝尤宜對簡編傳聞餘暇到經禪不須遠覓師前

古吾宋錢家主最賢

端愿所交多勝彥景臻之後至鈞樞三與下嫁中興

少帝婚親師振古無

皇帝閣五言三首 端午

解愠魁民瘼清心卻暑威君王肖仁祖寶扇不須揮

收了黃梅雨龍舟且要晴御園看綠暗樂府奏朱明

花柳忽蜩鳴池荷亦烟聲何須捕蠹虎微物各貪生

七言三首

通英常有侍經儒永巷元無望幸姝艾道陵堪訶綺

戶竹夫人可衛紗惻

殿閣涼生玉帝居薰風被袵鼓琴初日常濃墨揮宸

翰夜或留燈覽諫書

榆塞煙收麥隴豐至尊為樂與人同御前酌罷菖蒲

酒回賜堯樽徧六宮

皇太子宮五言二首 端午

巧粽姑存俗薰琴已召和入朝寢門早出對講堂多

詹庶與賓師儲宮動必咨政須人作鑒焉用以銅為

七言三首

旗鼓雙雙競渡船湖堤揚柳綠如烟春宮不省追惟
 事至樂惟應在夏弦
 消長常從抄忽萌由來陽極一陰生遙知參決繁機
 際於此尤宜體察精
 帝為儲闈取友端朋來黃綺偉衣冠賜羹漢殿恩尤
 異不比唐家首蓂杆

口宣十六首

御筵喜雪

霏霽應候叶氣致祥特光紀臘之期昭示有年之兆
 可以燕衍以獎燮調

賜 天基聖節道場乳香四道

皇太子

位居儲貳情篤君親逢繞電之休符表前星之善頌
 欲同沙界爰錫寶薰

殿司

解谷春回節臨金鑑周盧宿衛天近觚稜可無一辦
 之薰以助三呼之祝

步司

雙闕春回三衙地近步騎之分雖異冀翼之祝則同
 迺錫奇薰載嘉忱意

馬司

六龍天御啟運千齡萬騎雲屯同聲三祝共輟一銖
之賜溥薰四表之和

賜尚書省滿散天基聖節道場乳香

書正月以次王適臨誕節頌衆皇而拱極共集勝因
持此一銖敬諸六合

賜尚書省御筵酒菓

祥開甲觀宴洽鑄京輟御府之黃封分瑤池之丹寶
伴沾錫賚庸獎弼諧

密院滿散天基節道場乳香

南極現祥適當震夙西樞率屬同祝壽祺其分錫於
名薌以助成於勝果

賜極密院御筵酒菓

虹流華渚燕啟瑤池天上流霞之觴海中如瓜之棗
薄言錫予昭示寵嘉

宣賜太傅右丞相賈似道生日御書扇子金
器足物等

瑞紀垂孤恩隆賜扇鈞樞重任佩裴令之安危器幣
多儀介魯公之燕喜茲為殊錫其即欽承

入內內省申乞撰 皇弟嗣榮王到闕賜銀

合茶藥并傳宣撫問

卿扮榆楚返棣萼孔懷忽聞詣闕之期深動在原之
喜特茲郊勞錫以邦彛尚其疾驅慰此渴想

御藥院閔乞撰太傅右丞相魯國公賈似道
家廟奉安預賜祭器金器幣銀絹

魯新廟之成桶楹有奕漢尚方之賜器幣維多措致
實於先朝寔殊勛於上宰美哉輪奐奏匠石之儔功
享以駢剛奉豆籩之常礼朝廷異數家國同榮

講筵所闕撰進讀同鑑終篇賜宰執侍讀侍
講說書修注官御筵

朕覽祖禹之書監有唐之事嘉碩輔龐臣之博古覽
前師後誦之積勤有補就將宜均燕衍

賜進士聞喜宴錫 御書詩

至多吉士觀國之光我有嘉賓式燕以樂既舉瓊林
之典可無鎬邑之詩

賜進士聞喜宴 御筵花酒菓

名標金榜喜仙桂之擣枝宴洽瓊林分宮花而剪綵
共歌既醉均被湛恩

御藥院閔撰進呈孝宗實錄宣荅提舉官禮
儀使以下詞

後村先生大全集
忽領諸儒勳成鉅典論國體述時務何慙良史之才
揚鳴烈章頌熙丕顯皇家之懿奏篇來上直筆可嘉
亦既覽觀不忘歎賞

公主下嫁駙馬都大所関乞撰六月十二日
宣繫宣答詞

朕念貴主之及笄選外嫔而築館消辰宣繫率舊典
章諒母族之增光與皇家而同慶

後村先生大全集卷之五十九

第35419号

平成 3. 11. 22

聖和學
園短大
図書館

928

7

14

卷之九
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十

号	卷	第	九
第	三	十	三
第	三	十	三
第	三	十	三

秀

